

# ***Ilanngussaq J***



INATSISARTUT

## Peqqissutsimut Naalakkersuisoq

Ulloq: 22. oktober 2015

J.nr.: 01.31.11-00015

**Aningaasaqarnermut Akileraartarnermullu Ataatsimiititaliamit ataasinngornermi ulloq 26. oktober 2015, nal. 11.00-11.30 ataatsimiittarfik 1-imi siunersiorneqarnissamut ageqqusissut.**

2016-imi aningaasanut inatsisissatut siunnersuut pillugu Inatsisartut suleriaasianni § 19 naapertorlugu siunersiorneqarnissamut Peqqissutsimut Naalakkersuisoq Aningaasaqarnermut Akileraartarnermullu Ataatsimiititaliamit matumuuna aggersarneqarpoq. (UKA 2015/7).

### **Aningaasaqarnermut Ataatsimiititaliap oqaaseqaatai apeqqutaalu:**

Aningaasaqarnermut Ataatsimiititaliap 2016-imi aningaasanut inatsisissatut siunnersuummut ilassutitut apeqqutai oqaaseqaataalu matumuuna nassiunneqarput. Ataatsimiititaliap apeqqutaanut Naalakkersuisut akissutaasa Aningaasaqarnermut Ataatsimiititaliamit misissorneqarnerat apeqqutinut pingaarnertut tunngavigineqarpoq.

Tassunga atatillugu apeqqutit makku Naalakkersuisunit akineqarnissaat Aningaasaqarnermut Akileraartarnermullu Ataatsimiititaliamit kissaatigineqarpoq:

Immikkoortut normui taaneqartut ataatsimiititaliap 28. september apeqqutaanut normuliunneqartut assigaat.

## **9. Suliassaqarfik 34 – 35 Peqqissutsimut Nunanillu Avannarlernik Suleqateqarnermut Naalakkersuisoq**

### 9.1 Konto pingarneq 34.11.03 Dronning Ingridip Napparsimmavissua

- a) Utaqqisut allattorsimaffiiniittut ikilisarnissaannut immikkut aningaasaliissutaasut 12 mio. kr.-init 9 mio. kr.-inut soq ikilineqarpat? Utaqqisut allattorsimaffiiniittut nulingortinneqarsimappat imaluunniit tamanna naalakkersuinikkut pingaarnersiunermit ersiutaannaava?

### Apeqqut 1:

Utaqqisutut allattorsimasut 0-inngortinneqarsinnaanngitsut 9 mio. kr.-inilli ataavartumik immikkut aningaasaliissuteqartarnikkut katsorsarneqarnissamut utaqqinerup sivissusua maannakkutut apparsimaartinneqarsinnaasoq Naalakkersuisut akipput. Aamma paasissutisiissutigineqarpoq piffissap utaqqiffiusartup naammaginatumik sivissususeqalersinneqarnissaa Peqqinnissaqarfimmit sulissutigineqartoq. Tamanna ataatsimiititaliamit ima paasineqassava utaqqisut pissusissaatut amerlassuseqalersimasut?

9.4 Konto pingarneq 34.12.01 Nunap immikkoortuini peqqinnissaqarfiit, nakorsanit sullinneqarneq

- b) Utoqqaat illuini inissat amigaataanerisa kingunerisaanik paaqqutarisarialinnik inisiinissap periarfissaqarsimanginnera pissutigalugu innuttaasut utoqqaanerit qanoq amerlatigisut napparsimmavinnut unitsinneqartarpat?

Nunap immikkoortuisa utoqqarnik paaqqutarisarialinnik qanoq amerlatigisunik uninngasuu-teqarnerannut naatsorsukkat Naalackersuisunit nassiunneqarpoq. Naatsorsuinerimi utoqqar-nut paaqqutarineqartariaqartunut kommunit qanoq amerlatigisunik akileeqquneqarsima-nersut taamatullu utoqqaat paaqqutarisariallit nunap immikkoortuisa napparsimmaviini siniffinnik ulluni unnuanilu qassini atuisimanerat ersilluni.

Apeqgut 1:

Pisariaqartitsinermut sanilliullugu paaqqutarisarialinnut inissiiviusinnaasut pillugit Naalak-kersuisut isumaliutiginninnissaannut kisitsisit paasissutissiissutigineqartut tunngavissiippat? Paaqqutarinniffinnut pinnani napparsimmavimmut inissiinerup akisunerunissaanik ataatsi-miititaliap ilimaginninnera apeqqummut tunuliaqutaavoq.


Naalackersuisumik siunersuinermini allanik aamma apeqquteqarnissani ataatsimiititaliap naatsorsuutigaa.

-----

Ataatsimiititaliap Naalackersuisumik siunersuinerata Naalackersuisup ataatsimiititaliallu akornanni pingaarnersiulluni tullerriiarinerit anguniakkallu pillugit naalackersuinermit tunngasumik oqaloqatigiinnertut sapinngisamik iluseqartinneqartarnissaa Aningaasaqarnermut Ataatsimiititaliamit anguniarneqarpoq. Taamatut oqallinneq ammasumik oqallinnertut sapinngisamik ingerlanneqassaaq.

Kiisalu apeqqutit siuliani allassimasut pillugit allakkiamik kalaallisut danskisullu ataatsimiititaliap Naalackersuisumik siunersuineranut atatillugu pissarsisinneqarnissani ataatsimiititaliap kissaatigaa. Allakkiap kingusinnerpaamik ataatsimiititaliap Naalackersuisumik siunersuinerata kinguninngua uunga nassiunneqarnissaa qinnutigineqarpoq: [saam@ina.gl](mailto:saam@ina.gl). Allakkiap ataatsimiititaliap Naalackersuisumik siunersuineranut nassarneqarpat atorneqar-pallu taassuma nuutinnera ataatsimiititaliap Naalackersuisumik siunersuinerata aallar-tinnerani ataatsimiititaliap oqalutnaanut ataatsimiititaliallu allattaanut tunniuteqquneqarpoq.

Ataatsimiititaliap sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua



Aningaasaqarnermut Akileraartarnermullu Ataatsimiititaliaq  
Siulittaasoq Jens Immanuelson

**2016-imi aningaasanut inatsisissatut siunnersuut pillugu Aningaasaqarnermut  
Ataatsimiititaliap apeqquteqaatai pillugit**

26-10-2015  
Sags nr. 2015 - 14260  
Akt nr. 1432095

Aningaasaqarnermut Akileraartarnermullu Ataatsimiititaliamut,

Postboks 1160

Aningaasanut inatsisissatut siunnersuummut 2016-imut ilassutitut apeqquteqaatise  
oqaaseqaatisilu tiguakka. Tamannalu ataani akivakka.

Tlf: 34 50 00

Fax: 34 55 05

3900 Nuuk

Email: pn@nanoq.gl

www.naalakkersuisut.gl

**9. Suliassaqarfik 34 – 35 Peqqissutsimut Nunanillu Avannarlernik  
Suleqateqarnermut Naalakkersuisoq**

**9.1 Konto pingaarneq 34.11.03 Dronning Ingridip Napparsimavissua**

- a) Utaqqisut allattorsimaffiiniittut ikilisarnissaannut immikkut aningaasaliissutaasut  
12 mio. kr.-init 9 mio. kr.-inut sooq ikilineqarpat? Utaqqisut allattorsimaffiiniittut  
nulinngortinneqarsimappat imaluunniit tamanna naalakkersuinikkut  
pingaamersiunermet ersiutaannaava?

**Apeqqut 1:**

Utaqqisutut allattorsimasut 0-inngortinneqarsinnaanngitsut 9 mio. kr.-inilli ataavartumik  
immikkut aningaasaliissuteqartarnikkut katsorsarneqarnissamut utaqqinerup  
sivissusua maannakkutut apparsimaartinneqarsinnaasoq Naalakkersuisut akipput.  
Aamma paasissutissiissutigineqarpoq piffissap utaqqiffiusartup naammaginantumik  
sivissususeqalersinneqarnissaa Peqqinnissaqarfimmit sulissutigineqartoq. Tamanna  
ataatsimiititaliamit ima paasineqassava utaqqisut pissusissaatut  
amerlassuseqalersimasut?

**Akissut:**

Utaqqinerup sivikillinissaa Naalakkersuisut ukkassaraat, taamaattumillu aningaasanik  
amerlanernik tamatumunnga atuisoqarsimavoq.

2013-2015 akornanni aningaasaleeqqinnerup kingorna Peqqinnissaqarfiup seeqqukkut  
siffiaknullu suliaritinnerit, sunngap aqquataatigut suliaritinnerit, kingusinnerusukkullu  
inalugarsuakkut qinnguartartinnerit, isip igalaasartaasaanik ersernerlutsitsisalernerup  
kinguneranik suliaritinnerit kiisalu siutip igalaasaanik suliarinnerit malunnaatilimmik  
utaqqineq sivikinnerulerpoq, taamaasilluni suliaritinnissamut utaqqinerit tamarmik ukioq  
ataaseq ukiullu aappaa avillugu akornanni sivissususeqalerlutik.

Sunngakkut suliaritinnissamut utaqqisoqanngilaq, taamaattumillu aningaasat  
inalugarsuakkut qinnguartartinnernut nuunneqarsimallutik, tamannalu inalugarsuakkut  
kræfteqalersinnaanermut suliaritittoqarsinnaanngorluni aammalu inalugarsuakkut

kræfteqalernissamut napparsimasunik misissuinermut atorneqarlutik.  
Misissortinnissamut utaqqineq ullumikkut sap. ak. marluk sisamallu akornanni  
sivissussuseqarpoq, ilaatigulli qaammatini arlalinni utaqqisoqarsinnaalluni.

Siutip igalaasaanik suliaritinnissamut utaqqineq aamma sivikillinikuuvoq, taamaattumillu  
ilaatigut aningaasat meeqqanut siulluttunut suliarinninnermut aammalu  
siulluttuujuaannarnissamut navianartorsiortunut suliarinninnermut avinneqarsimallutik  
siullunnerit tusillannerillu annertuumik suliassanngornissaraluaat pingitsoortinniarlugu.

Napparsimasut amerlassusaat maannamut isaasut amerlassusaat naatsorsuutigigaanni,  
utaqqinerup sivissussusaa attatiinnarnissaa ilimanarsinnaavoq tamannalu  
qulakkeerneqarsinnaavoq pisinnaasat annertusineratigut, aalajangersimasumik 9 mio.  
kr.-nik tapiinikkut.

#### 9.4 Konto pingaarneq 34.12.01 Nunap immikkoortuini peqqinnissagarfiit, nakorsanit sullinneqarneq

- a) Utoqqaat illuini inissat amigaataanerisa kingunerisaanik paaqqutarisarialinnik  
inissiinissap periarfissaqarsimannginnera pissutigalugu innuttaasut utoqqaanerit  
qanoq amerlatigisut napparsimmavinnut unitsinneqartarpat?

Nunap immikkoortuisa utoqqarnik paaqqutarisarialinnik qanoq amerlatigisunik  
uninngasuuteqarnerannut naatsorsukkat Naalakkersuisunit nassiunneqarpoq.  
Naatsorsuinermi utoqqarnut paaqqutarineqartariaqartunut kommunit qanoq  
amerlatigisunik akilleeqquneqarsimanersut taamatullu utoqqaat paaqqutarisariallit nunap  
immikkoortuisa napparsimmaviini siniffinnik ulluni unnuanilu qassini atuisimanerat  
ersippoq.

#### Apeqqut 1:

Pisariaqartitsinermut sanilliullugu paaqqutarisarialinnut inissiiviusinnaasut pillugit  
Naalakkersuisut isumaliutiginninnissaannut kisitsisit paasissutissiissutigineqartut  
tunngavissiippat? Paaqqutarinniffinnut pinnani napparsimmavimmut inissiinerup  
akisunerunissaanik ataatsimiititaliap ilimaginninnera apeqqummut tunuliaqutaavoq.

#### **Akissut:**

Paaqqutarinnermut tunngasut peqqinnissagarfiup kommunit sullippai napparsim-  
mavimmut isumagisarialinnik inissiinikkut, taakkuuppullu kommunit tigusinnaangisaat.  
Paaqqutarinninnermut tunngasut kommunip akisussaaffigai Naalakkersuisullu ilimagaat  
kommunit ataavartumik tassunga tunngasut malinnaavigigaat aammalu aningaasatigut  
naliliinerit isumagissagaat namminneq paaqqutarinninnermi tigusinnaasatik amerlisiin-  
niarlugit.

Paaqqutarinninnissamut uninngatitsisarneq tamatumalu malitsigisai Napparsimavinni  
nunallu immikkoortuisa akornanni sunniutai assigiinngitsorujussuupput. Taamaattumillu  
peqqinnissagarfimiit siunissaq eqqarsaatigalugu taakkununga tunngatillugu  
kommunik isumaqatigiissuteqarnissaq kissaatiginarpoq.

Inussiarnersumik inuulluaqqusillunga

Doris Jakobsen